

ОЛНА ДИГ-ДАРА ХАРЛГЪНА ТУСК ЗАКАНА ПРОЕКТАР КҮҮНДВР БОЛДЖАНА

Ч и к з а к а н

Советск зака болн социалистическ олна бәәдл-джиргълин зокал эвдлгънлә ноолдлгънд олна нилчиг бөдлүлхин туск загаг болн үүрмүднъ кедг заргъсин туск, наснъ күцәд уга багъчудин төрин комиссүдин туск орлицнъгъү положеня проектсиг, Каспийск района малчнр болн цуг күчкөлчснр ик гидг оргмджтәгъәр тосв.

Бүрдәмджтә сәәнәр болн чикәр, чинртәгъәр оln әмтнд эн закадин проектс цәәлгъдж өгхин кергт, КПСС-н Каспийск райком агитатормудин кустовой гурвн өдрә хург кев.

Эн хург деер «Советск зака болн социалистическ олна бәәдл-джиргълин зокал эвдлгънлә ноолдлгънд олна нилчиг бөдлүлхин туск зага» цәәлгългънә агитатормудин эркн төрәр докладмуд кеснъ — эн района прокурор үр Еременко, мөшкәч үр Манджиев, КПСС-н райкомин көдләчнр үүрмүд Эрдни-Гаряев, Кузнецов, Нимгиров болн Паршина.

Цәәлгъврин эн көдлмшт, Каспийск района 385 агитатор орлицдж, эдн 873 күүндвр болн 585 умшлгъ кедж, 2 минъгън 732 күүнд эн закад цәәлгъдж өгв.

Эн района «Красный моряк» колхозин эклц парторганизацин (сегләтрнъ үр Добдушкаев) агитколлективин агитатормуд үнн седклән тәвдж, йилгъән сәәнәр оln әмтн дунд цәәлгъврин көдлмш кеджәцхәнә.

Шунмгъа кевәр эн көдлмшт орлицджах эн парторганизацин агитатормуд, бригадир үр А. Н. Подобедов, агроном А. М. Пожидаев, школин багшнр Н. Г. Клыканов, А. Ф. Ефремов,

А. П. Петкиев болн Шкиндер, учетчик Р. Бутенко, механик И. С. Журбин, У. Сангаджи-Гаряев, А. Л.-Г. Намтуев болн нанъ чигн кесг улс малчнр, механизатормуд, тәрә-темс тәрәчнр дунд болн арвад гермүдәр, школар йовдж күүндвр кецхәнә.

Түүнәс талдан, колхозин эклц комсомольск организацин (сегләтрнъ үр Пожидаева) сән гисн седвәрәр комсомольчнр болн комсомолд бәәдго багъчуд гер болгънар делгү йовдж, эн закадин проектс әмтнд цәәлгъдж өгв.

Шидр эн колхозин клубд цуг колхозникүдин, оln әмтн хурсн ик гидг хург болв. Тер хург деер сельсоветин ахлач үр В. В. Баканева «Советск зака болн социалистическ олна бәәдл-джиргълин зокал эвдлгънлә ноолдлгънд олна нилчиг бөдлүлхин тускар» доклад кев.

— Эн шин закад, оln әмтнә джиргълин хаалгъ улм герлткдж, социалистическ демократиг цааранднъ улм икәр делгрүлхмн, эдл-ахун болн культурн тосхлтин гардврт болн орн-нутгин оln зүсн керг төрт цуг оln әмтн орлицхмн, — гидж «Красный моряк» колхозин член үр Б. Л.-Г. Козаев эн хург деер келв.

«Красный моряк» колхозин малчнр, механизатормуд болн цуг күчкөлчснр эн шин закадин проектсиг ик гидгәр таасдж дөнъсн сән шиндврмүд авб.

Загъсна консервн комбинатин цуг цехсәр, савмуд яслгъна техническ станцд, Северн дундин школд, ком-

мунальн предприятисәр, нефть хәәлгънә көдлмшчнр дунд, Буранн поселкд, хөбчнрин бригадсар, цуг колхозмудар болн «Оленичевский» совхозд хургуд болдж, эн закана проектсәр докладмуд кедв.

Эн хургудт 2 минъгън 806 күн орлицн күүндвр келгънднъ 66 күн босдж, эврәннъ ик оргмджтә үгән келцхәв. Теднә тоод, эн закана проектсин ик гидг чинринъ илдкдж, энүг таасдж, келснъ савмуд яслгъна техническ станцин көдлмшчнр, үүрмүд Черняев, Хараев, Поваляева, совхозин хөбчнр Гаряев болн Каргабаев, көдлмшчнр Очиров болн Дорджиев, багшнр Гутько, Откидычева болн нанъ чигн кесг улс. Эдн цугъар советск зака болн социалистическ олна бәәдл-джиргълин зокалмудиг эвдл уга, улм икәр цааранднъ батлдж, күчкөлснә шин диилвртәгъәр көдлх болдж даалгъвр авцхав.

«Оленичевский» совхозин көдлмшчнр, малчнр, үүлд цергләчнр болн селәнә эдл-ахун специалистнр эн закад невр гидж эврәннъ иим селвгүдән өгв:

1. Ончн күүкд бәәдг герин сургъмджин көдлмшиг ясрулхмн.

2. Интернатн школмудин сургъмджиг бөдлүлхмн.

Эн района күчкөлчснрин цуг хургуд деер шин закана проектсиг икәр таасдж сәәшәдж, КПСС-н ЦК-н Плениум секгдх өдр күртл эдл-ахусинъ джилә цуг зурагъан күцәх даалгъвр эдн авцхав.

С. КУЗНЕЦОВ.